



2 III III

Georg 871

+



Georgs-B.

404



3  
Xa

Figur des Antichristlichen  
Papsts vñ seiner Synagog



Got hat alweg angezeigt seine gnad oder zorn/ in etlichen  
zeichen/ vnd sonderliche die herschafften wunderlich vor ge-  
bildet/ als wir sehen in Daniele/ Da er auch des Römischen  
Antichrists reich verkündet hat/ das sich ye warhafftig  
christliche hertzen wisten zu Bewaren/ vor des selben schalck-  
heyte/ welche so listig furgeben/ das auch die heiligen möcht  
betrogen werdenn/ als geschriben Math. xxiiij. Darumb in  
mittler zeit des selben reichs vil zeichen von gott geben sind/  
vnd newlichs dise figur/ welche zu Rom Anno M. CCCC.  
XCvj. jar gefunden ist/ vñ also eigentlich alles wesen Pap-  
stlicher synagog abmalet/ das nicht möglich were einigem  
menschen solchs ertichten/

Der Esels kopff bedeut den Papst/ dann die kirch solt dhein  
außerlich/ fleischlich haubt haben/ sonder allein Christū in  
gait vnd glaubē/ regirende in den hertzen der glaubigen/ hat  
sich aber der Papst zu einem flaischlichen außerliche haube  
gemacht/ darumb er hie bedeut ist worden durch den Esels  
kopff/ dan d Esel in der schrift bedeut alles fleischlich wesen  
vnd was dem gait gottes entgegen ist.

Der weybisch leib vnd brust/ bedeut des Papsts Corper/ das  
seind Cardinal/ Bischöff/ psaffen/ monch/ studenten/ vñnd  
der gleichen hurn volck vñnd mastfew/ so in fleischlichem  
wollust leben/ wie offenbar ist/ vnd geschribē ist vñ Daniele  
vnd Paulo/ voluptatū amatores ij. Thimoth. iij. et philip  
pen. iij. animalia ventris.

Die recht hant/ ist gleich einem e phantens fuß/ Bedeut aber  
das geistlich regimēt des Papst/ welchs nur zu verderbung  
der seelen gericht ist/ damit er zurtritt alle schwache gewissen  
wie der Elephant zurtritt vnd zuknist alles worüb er kompt  
Dan das geistlich regimēt des Papsts/ ist erzwingē Beicht  
vnd erzwingen keuscheit/ vota. falschmessen/ falsche Büssen/  
Eyd zerreyssen/ dispensationes/ hailigthum/ indulgentie vnd  
der gleichen/ damit die gewissen der Christen verfürst werden  
vom warhafften christlichen wesen in ein außerliche falsche

schein der fromkeit. Danielis. viij. interficiet populum sanes  
torū. et. ij. thimoth. iij. in hypocrisi loquentur mendaciū.

Die linck menschliche handt Bedent das weltliche regiment  
wie wol sie keins haben solten/das der Papsst so vernunfftig  
bis her hat vor gegeben/das ouch er mit seinen gesetzen/alle  
Kunige vnnnd Fursten an sich gezogen/die yn do bey als ein  
vornunfftigen regiment behalten vnnnd vertedigenth haben/  
auff das Danielis pphety erfult wurde/do er spricht Robo  
rabitur regnū eius et non in virib<sup>9</sup> suis. Wie wol/got sey lob/  
es da zu komen ist/das menigklich verstat/das eytel büberai  
ist do mit die Bepfflich synagog vmb gatt.

Der ochffen fuß Bedent des geistlichen regimentes diener/die  
Bepfflichē prediger/als do seyn Scholastici theologi/welche  
mit yren erdichten/erlogen/vermaledeiten/teuffelschen fabeln  
der scholastica theologia/vnnnd monch traum/die gewissen  
vnd seelen der menschē zutrettē Math. xxiij. surgent pseudo  
christi et pseudo pphete.

Der linck fuß/gleich wie ein greyffen klaw Bedent des welt  
lichen regimentes diener/die Canonisten/dann als der greyff  
mit seinen klawen zu sich reyffet/also hat des Papssts gesind  
zu sich gerissen mit seynē Canones/die gutter des ganzē Eu  
ropen/vnd die Canones allein zu yrem onsettigē geyz erticht  
seint.

Der trach speyt feur/gleich wie die anticristlichē Bullen blitz  
vnd tondern/Indignationem sanctorū Petri et Pauli/et dei  
omnipotentis. ꝛc. Fur welchen Worten sich auch die Engel  
entsetzen/Die so lasterlich vnnnd teuffelisch der vermaledeyt  
Antichrist zu seinem muttwillen mißbraucht.

Vnd ist das Thier schuppicht als Behemot yn Job beschri  
ben ist an zu zeigen. das wie der fisch in der schrift dy leuoth  
welche in wollust leben bedenth Also ist das ganz bepffliche  
regimēt angestalt/das alle dy seinē nit den in wollust mocht  
ten regirē/vñ leben/an eins yzlichen eynred/Vnd ist ein schip  
vff der andern/darumb das des Papssts regiment so wol bey

festiget/das ym ouch bis her kein gewalt ader oberigkeit hat  
mogen abbrechen

Sie mit wil ich yederman gewarnet habē/das man götliche  
zeichen / nit verachte/vñ sich hütte vor dem verfluchte Antis  
christ vñ seinē anhang/ Welchen gott der almechtig/ als ge  
schriben ist/mit dem gaist seines worts/bald erwirge/ Amen



Fragment of text from the adjacent page, including a vertical list of names and a small diagram of a building or structure.









*Faint, illegible handwritten text, likely bleed-through from the reverse side of the book.*

371







3  
Xa

Figur des Antichristlichen  
Papsts vñ seiner Synagog

